

le omechar, e ng ngar ngii sei el cheral ma cheral ongiut el mekekerei el udoud.

#### Okedel Ocheraol Ra Omechar El Chad

Al metbetbang a ocheraol ra delongelir a ruurrot ma rukdemáol, eng direk el okiu tiaikid el omelib ea mo omechar el chad a mo medengei a keblil ma telungalek el sbadel ra chelsel a beluu ma kuk bebil ra beluu el ngar cheroid. A subed el mo er tirka el chad a bo loungerachel a omechar el chad. Ma bocha losubed a omechar el chad el mo er tirkei el ngara cheroid el beluu el kirin el sbadel, eng kmal kirel el oublebaol a kall ma lechub eng chemachel. Ma le kall eng tesemosem el kall, ma le chemachel eng direk el tesemosem el olemachel. A ikang a otmilel e ua el subed el mo er tirka el cheroid el chedal, e ngii a mesubed er tirra ngor el kirel tia el ocheraol el le bo el

chelebangel er ngii. A kuk chelsel a di beluu, e ng direk el mesubed ra re kirin el sbadel ra dersechimong el ongraol ma lechub e ng dertesemosem el kall ma lechub e ng chemadech el ngikel ma direk el olemachel. E direk el subedeteri ra ngor el kirel tia el ocheraol. A ika el mo ruoll el kall ma lechub eng olemachel a kmal di ngii ma bechil a mengedmokl.

A subed er ocheraol ra ngaramong a diak di el tang el sils e le mekedmokl. Ng betok el kiebesei a luluusbech e mengedmokl a subed ma okedel ocheraol. Ng dimlak a ulterkoki el milai el olekeed ra re chad, ma re chad el mei er ocheraol a di mle tir el osilik a mlirif el mei er sei el beluu el ngii a ocheraol, ma rekil ocheraol meng uaisei.

Tia el uaisei el subed er ocheraol a di mo ra ocherolel a blai ra keblil ma telungalek.

## 10

### Ngklel A Beldekkel A Beluu Er Belau Ra Rechuodel

#### Belliliou

A uchul a Beliliou a mlo *Odesangel* a mlengai ra tekoi el *omsangel*. Chelechang el sils e ke doleker er ngii el kmo *Beliliou*.

#### Irrai

A *Blias* a ngklel a Irrai ra rechuodel, el belkul a kmo *belsechakl*, e mla obasech el mo ta ra beluu.

#### Imeliik

A ngklel a Imeliik ra rechuodel a *Ngerbung*. Tiang a mle *Ngerbunt* el mlengai ra tekoi el *bunt*, el belkul a kmo *belngutel a bielul leng redil*, e di ngara bita ra Ngeremlengui leng klou el ochedal, ea Imeliik a ngklel er chelechang el sils. Aldung meng Imeliik a eim el Imeliik le ng eim a

rengedel. E direk el kmeed ra omebael el belkul a kmo ng redil ma bo el dioll e ng ou omebael.

#### Melekeok

A chuodel el ngklel a Melekeok a *Olekeok*. Tia el ngakl a mlengai ra delal el Milad a doltiraki a ngarnii el cheldecheduch, le Melekeok a tang er tirkei el teuang el ngelekel a Milad. A Olekeok a mle tekoek ra chelsel a delengcheklel ngii ma re bebil er ngii, ma delal ra Milad a ngiluu el mo er ometochel e metechii el mo lofang ra desbedall, e dillebeklii el kmo, a delengerengerei a uchul ea sihem a mo ulkokl ea omtechelii a sils eng mo mengemees a sihem, e ng di milsang a nglat el kmo, ke mo btelul a bek el beluu ra Desbedall. E chelechang el sils e ke de omekedong er ngii el kmo, *Melekeok* el ua el beches el ngkiel.